

bračnog statusa, porodičnog statusa, invalidnosti ili postojanja presude za koju je izrečeno pomilovanje.

V

Na osnovu uvjeta utvrđenih u tač. II i III ove odluke, Ministar zdravstva Kantona Sarajevo će raspisati javni oglas za poziciju predsjednika i člana nadzornog odbora zdravstvene ustanove u "Službenim novinama Federacije BiH" i jednom dnevnom listu velikog tiraža, te predložiti Vladi Kantona Sarajevo sastav Komisije za nominiranje/imenovanje predsjednika i članova nadzornog odbora zdravstvene ustanove.

VI

Kriteriji za nominiranje/imenovanje predsjednika i članova nadzornih odbora zdravstvenih ustanova čuvaju se u evidenciji Vlade Kantona Sarajevo.

VII

Stupanjem na snagu ove odluke stavlja se van snage Odluka o kriterijima za nominiranje/ imenovanje predsjednika i članova nadzornih odbora javnih zdravstvenih ustanova čiji je osnivač Kanton Sarajevo ("Službene novine Kantona Sarajevo", br. 29/04, 33/07 i 2/08).

VIII

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-14652-11/12  
26. aprila 2012. godine

Premijer  
**Fikret Musić, s. r.**

Na osnovu člana 22. i člana 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 64. stav 9. alineja 2. Zakona o zdravstvenoj zaštiti ("Službene novine Federacije BiH", broj 46/10) i člana 7. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03 i 34/03), na prijedlog Ministra zdravstva, Vlada Kantona Sarajevo na 67. sjednici održanoj dana 26.04.2012. godine, donijela je

**ODLUKU**

**O KRITERIJIMA ZA NOMINIRANJE/IMENOVANJE  
PREDSJEDNIKA I ČLANOVA UPRAVNIH ODBORA  
JAVNIH ZDRAVSTVENIH USTANOVA ČIJI JE  
OSNIVAČ KANTON SARAJEVO**

I

Ovom odlukom Vlada Kantona Sarajevo utvrđuje kriterije za nominiranje/imenovanje predsjednika i članova upravnih odbora javnih zdravstvenih ustanova čiji je osnivač Kanton Sarajevo (u daljem tekstu: zdravstvene ustanove), i to:

- Javna ustanova Opća bolnica "Prim. dr. Abdulah Nakaš",
- Javna ustanova Dom zdravlja Kantona Sarajevo,
- Javna ustanova Psihijatrijska bolnica Kantona Sarajevo,
- Javna ustanova Zavod za zdravstvenu zaštitu žena i materinstva Kantona Sarajevo,
- Javna ustanova Zavod za javno zdravstvo Kantona Sarajevo,
- Javna ustanova Zavod za medicinu rada Kantona Sarajevo,
- Javna ustanova Zavod za hitnu medicinsku pomoć Kantona Sarajevo,
- Javna ustanova "Apoteke Sarajevo",
- Javna ustanova Zavod za sportsku medicinu Kantona Sarajevo,
- Javna ustanova Zavod za alkoholizam i druge toksikomanije Kantona Sarajevo,
- Javna ustanova Zavod za zdravstvenu zaštitu zaposlenika Ministarstva unutrašnjih poslova Kantona Sarajevo,

- Javna ustanova Kantona Sarajevo Zavod za zaštitu zdravlja studenata Univerziteta u Sarajevu.

II

Za predsjednika i člana upravnog odbora zdravstvene ustanove može biti nominiran/ imenovan kandidat koji ispunjava sljedeće opće uvjete:

- a) da je državljanin Bosne i Hercegovine;
- b) da je stariji od 18 godina, a da nije stariji od 65 godina;
- c) da nije otpušten iz državne službe kao rezultat disciplinske mjere, na bilo kojem nivou u Bosni i Hercegovini (bilo na nivou države ili entiteta) u razdoblju od tri (3) godine prije dana objave upražnjene pozicije;
- d) da se na njega ne odnosi član IX1. Ustava Bosne i Hercegovine - da nije pod optužnicom od strane Međunarodnog tribunala za bivšu Jugoslaviju;
- e) da nije osuđivan za krivično djelo nespojivo sa dužnošću u upravnom odboru zdravstvene ustanove u čiji se upravni odbor kandiduje;
- f) da mu nije izrečena zaštitna mjera u prekršajnom postupku, nespojiva sa dužnošću u upravnom odboru zdravstvene ustanove u čiji se upravni odbor kandiduje;
- g) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u instituciji vlasti Bosne i Hercegovine ("Službeni glasnik BiH", br. 13/02, 16/02, 14/03, 12/04 i 63/08).

III

Pored ispunjavanja općih uvjeta iz tačke II ove odluke kandidat koji se nominira/ imenuje za predsjednika i člana upravnog odbora zdravstvene ustanove, treba da ispunjava i sljedeće posebne uvjete i to:

- a) da ima završen VII (sedmi) stepen stručne spreme i najmanje tri (3) godine radnog iskustva ili VI (šesti) stepen stručne spreme i najmanje pet (5) godina radnog iskustva ili IV (četvrti) stepen stručne spreme zdravstvenog usmjerenja i najmanje sedam (7) godina radnog iskustva;
- b) da nema privatni - finansijski interes u zdravstvenoj ustanovi u čiji se upravni odbor kandiduje;
- c) da nije direktor zdravstvene ustanove, a koja ima status pravne osobe,
- d) da nije član više od jednog upravnog, odnosno nadzornog odbora.

IV

Prilikom utvrđivanja ili primjene kriterija Vlada Kantona Sarajevo neće vršiti diskriminaciju prema bilo kome na temelju rase, nacionalnog ili etničkog porijekla, boje, vjere, spola, bračnog statusa, porodičnog statusa, invalidnosti ili postojanja presude za koju je izrečeno pomilovanje.

V

Na osnovu uvjeta utvrđenih u tač. II i III ove odluke, Ministar zdravstva Kantona Sarajevo raspisati će javni oglas za poziciju predsjednika i člana upravnog odbora zdravstvene ustanove u "Službenim novinama Federacije BiH" i jednom dnevnom listu velikog tiraža, te predložiti Vladi Kantona Sarajevo sastav Komisije za nominiranje/imenovanje predsjednika i članova upravnog odbora zdravstvene ustanove.

VI

Kriteriji za nominiranje/imenovanje predsjednika i članova upravnih odbora zdravstvenih ustanova čuvaju se u evidenciji Vlade Kantona Sarajevo.

VII

Stupanjem na snagu ove odluke stavlja se van snage Odluka o kriterijima za nominiranje/imenovanje predsjednika i članova upravnih odbora javnih zdravstvenih ustanova čiji je osnivač Kanton Sarajevo ("Službene novine Kantona Sarajevo", br. 23/03, 30/04 i 2/08)

VIII

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-14652-10/12  
26. aprila 2012. godine  
Sarajevo

Premijer  
**Fikret Musić, s. r.**

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 83. stav 1. Zakona o lijekovima ("Službene novine Federacije BiH", br. 51/01 i 29/05) Vlada Kantona Sarajevo, na 67. sjednici održanoj 26.04.2012. godine, donijela je

**ODLUKU**

**O LISTI LIJEKOVA KANTONA SARAJEVO**

**I. OPĆE ODREDBE**

**I**

(Predmet Odluke)

Ovom odlukom utvrđuje se obim prava osiguranih lica u primarnom nivou zdravstvene zaštite na korištenje lijekova koji se obezbjeđuju na teret sredstava Zavoda zdravstvenog osiguranja Kantona Sarajevo (u daljem tekstu: Zavod), način i postupak propisivanja i izdavanja tih lijekova, primjena u zdravstvenim ustanovama primarnog nivoa zdravstvene zaštite, kao i način utvrđivanja Liste lijekova Kantona Sarajevo (u daljem tekstu: Lista lijekova).

**II. LISTA LIJEKOVA**

**II**

(Dostupnost lijekova koje finansira Zavod)

Osigurana lica, na teret sredstava obaveznog zdravstvenog osiguranja, ostvaruju pravo na lijekove koji:

- su sastavni dio Liste esencijalnih lijekova neophodnih za osiguranje zdravstvene zaštite u okviru standarda obaveznog zdravstvenog osiguranja u Federaciji Bosne i Hercegovine (u daljem tekstu: esencijalna Lista, "Službene novine Federacije BiH", broj 75/11),
- nisu obuhvaćeni Listom esencijalnih lijekova, a evidentirani su kao potrebni za liječenje osiguranika,
- su u primjeni u zdravstvenim ustanovama, primarne zdravstvene zaštite, a prema režimu propisivanja i izdavanja, kako je određeno odobrenjem za stavljanjem lijekova u promet od strane Agencije za lijekove i medicinska sredstva BiH (u daljem tekstu: Agencija - ZU i SZU).

**III**

(Podjela Liste lijekova)

Listu lijekova koja je sastavni dio ove Odluke čine tri liste, i to:

- A Lista lijekova - lijekovi obuhvaćeni Listom A sa liste esencijalnih lijekova s učešćem Zavoda u cijeni lijeka od 100%,
- B Lista lijekova - lijekovi koji su obuhvaćeni Listom B sa liste esencijalnih lijekova, te lijekovi evidentirani kao potrebni za liječenje osiguranika Kantona Sarajevo, a obezbjeđuju se za stanovništvo Kantona Sarajevo sa učešćem Zavoda u cijeni lijeka u iznosu od 25%, 50%, 75% i 100%,
- C Lista lijekova - ampularni lijekovi koji se primjenjuju u zdravstvenim ustanovama primarne zdravstvene zaštite na teret sredstava obaveznog zdravstvenog osiguranja.

**IV**

(Grupe lijekova)

Lijekovi koji se nalaze na Listi lijekova razvrstavaju se u sljedeće grupe:

I grupa: Lijekovi koje samostalno propisuju ovlašteni doktori medicine, doktori stomatologije i doktori medicine, specijalisti u primarnoj zdravstvenoj zaštiti (oznaka Rp);

II grupa: Lijekovi koje propisuju ovlašteni doktori medicine i doktori stomatologije isključivo po preporuci specijaliste određene grane medicine, koji se bavi liječenjem stanja i bolesti za koje propisuje lijek (oznaka Rp/spec);

Doktori medicine u specijalističko-konsultativnoj službi na posebnom specijalističkom nalazu predlažu potrebnu terapiju - lijekove iz grupe II, doktoru medicine u primarnoj zdravstvenoj zaštiti, s tim da ovlašteni doktor u primarnoj zdravstvenoj zaštiti na poledini recepta upisuje ime i prezime doktora specijaliste koji je predložio taj lijek i klauzulu "po preporuci specijaliste".

III grupa: Lijekovi koji se upotrebljavaju isključivo kao nastavak bolničkog liječenja pod kontrolom zdravstvenog radnika.

Lijekovi iz grupe III propisuju se ukoliko je neophodno nastaviti liječenje tim lijekom nakon otpusta osiguranog lica sa stacionarnog liječenja.

Na poledini recepta ovlašteni doktor u primarnoj zdravstvenoj zaštiti upisuje ime i prezime doktora specijaliste određene grane medicine iz stacionarne ustanove, koji je predložio lijek, kao i klauzulu "nastavak bolničkog liječenja".

IV grupa: Lijekovi koji se primjenjuju u zdravstvenim ustanovama primarne zdravstvene zaštite na teret sredstava obaveznog zdravstvenog osiguranja (u daljem tekstu: ampularni lijekovi) u okviru Zavoda zdravstvenog osiguranja Kantona Sarajevo, a koji se propisuju osiguranicima na posebnom receptu za ampularni lijek.

**V**

(Cijene lijekova)

- Cijene lijekova koje se nalaze na Listi lijekova utvrđene su listom esencijalnih lijekova, osim u slučajevima u kojima Zavod pregovaračkim postupkom postigne nižu cijenu.
- Nakon objave referalnih cijena lijekova od strane Agencije, u smislu člana 22. stav 2. Pravilnika o načinu kontrole cijena, načinu oblikovanja cijena lijekova i načinu izvještavanja o cijenama lijekova u BiH (u daljem tekstu: maksimalne državne cijene lijekova), te usklađivanja cijena lijekova sa liste esencijalnih lijekova Federacije BiH sa maksimalnim državnim cijenama lijekova, u smislu tačke XI Odluke o listi esencijalnih lijekova, pristupit će se usklađivanju cijena lijekova na Listi lijekova Kantona Sarajevo, na način i u rokovima kako je to predviđeno Odlukom o Listi esencijalnih lijekova.
- Usklađivanje cijena lijekova iz stava 2. ove tačke obavlja Zavod zdravstvenog osiguranja Kantona Sarajevo, uz prethodnu saglasnost ministra zdravstva Kantona Sarajevo.

**VI**

(Obavezni podaci u Listi lijekova)

- Obavezni podaci na A i B Listi lijekova su:
  - redni broj,
  - šifra lijeka,
  - ATC klasifikacija,
  - nezaštićeno (generičko) ime lijeka - INN,
  - zaštićeno ime lijeka,
  - naziv proizvođača lijeka,
  - farmaceutski oblik i jačina lijeka,
  - definisana dnevna doza (DDD),
  - jedinica mjere,
  - procentualno učešće Zavoda u cijeni lijeka u iznosu od 25%, 50%, 75% i 100%,
  - cijena lijeka koju snosi Zavod,
  - režim propisivanja i indikacije za koji se određeni lijek može propisivati.
- Obavezni podaci na C Listi lijekova su:
  - redni broj,
  - ATC klasifikacija,